

## PRIJEDLOG

Na osnovu člana 143. stav 1. Zakona o radu ("Službene novine Federacije BiH", br. 26/16 i 89/18), a na osnovu mišljenja Ekonomsko-socijalnog vijeća za teritoriju Federacije Bosne i Hercegovine broj:            od            2022. godine, federalni ministar rada i socijalne politike donosi

### ODLUKU O PROŠIRENJU PRIMJENE KOLEKTIVNOG UGOVORA O PRAVIMA I OBAVEZAMA POSLODAVACA I RADNIKA U OBLASTI CESTOVNOG PROMETA ZA TERITORIJU FEDERACIJE BOSNE I HERCEGOVINE

#### I

Primjena Kolektivnog ugovora o pravima i obavezama poslodavaca i radnika u oblasti cestovnog prometa za teritoriju Federacije Bosne i Hercegovine ("Službene novine Federacije BiH", broj: 103/21), proširuje se na sve poslodavce u djelatnosti gradskog i prigradskog prevoza putnika, ostalog kopnenog prevoza putnika, cestovnog prevoza robe, usluga preseljenja i pomoćnih djelatnosti u prevozu na teritoriji Federacije Bosne i Hercegovine.

#### II

Ova odluka stupa na snagu narednog dana od dana objavljivanja u „Službenim novinama Federacije BiH”.

Broj:  
Sarajevo,            2022. godine

MINISTAR

Vesko Drljača

**OBRAZLOŽENJE**  
**ODLUKE O PROŠIRENJU PRIMJENE KOLEKTIVNOG UGOVORA O PRAVIMA I**  
**OBAVEZAMA POSLODAVACA I RADNIKA U OBLASTI CESTOVNOG PROMETA**  
**ZA TERITORIJU FEDERACIJE BOSNE I HERCEGOVINE**

**I – ZAKONSKI OSNOV ZA DONOŠENJE ODLUKE**

Zakonski osnov za donošenje Odluke o proširenju primjene Kolektivnog ugovora o pravima i obavezama poslodavaca i radnika u oblasti cestovnog prometa za teritoriju Federacije Bosne i Hercegovine, sadržan je u odredbi člana 143. stav 1. Zakona o radu („Službene novine Federacije BiH“, br. 26/16 i 89/18), kojim je propisano da ako postoji interes Federacije, Federalni ministar može proširiti primjenu općeg i granskog kolektivnog ugovora i na druge poslodavce koji nisu članovi udruženja poslodavaca – strane kolektivnog ugovora, za koje se ocijeni da postoji opravdani interes radi ostvarivanja ekonomske i socijalne politike u Federaciji u cilju obezbjeđenja jednakih uvjeta rada.

**II – RAZLOZI ZA DONOŠENJE ODLUKE**

Udruženje poslodavaca Federacije Bosne i Hercegovine – Grupacija poslodavaca za djelatnost cestovnog prometa, na strani poslodavaca i Samostalni sindikat saobraćaja i veza u BiH, na strani radnika, dana 27.10.2021. godine, zaključili su Kolektivni ugovor o pravima i obavezama poslodavaca i radnika u oblasti cestovnog prometa za teritoriju Federacije Bosne i Hercegovine, koji je objavljen u “Službenim novinama Federacije BiH”, broj: 103/21 od 22.12.2021. godine, a stupio je na snagu 01.01.2022. godine.

S obzirom da je odredbom člana 142. Zakona o radu, propisano da je kolektivni ugovor obavezan za strane koje su ga zaključile, kao i za strane koje su mu naknadno pristupile, potpisani Kolektivni ugovor o pravima i obavezama poslodavaca i radnika u oblasti cestovnog prometa za teritoriju Federacije Bosne i Hercegovine obavezuje samo poslodavce koji su članovi Udruženja poslodavaca Federacije Bosne i Hercegovine, kao potpisnika tog ugovora na strani poslodavaca.

S tim u vezi, Federalnom ministarstvu rada i socijalne politike dostavljene su inicijative Udruženja poslodavaca u Federaciji Bosne i Hercegovine i Samostalnog sindikata saobraćaja i veza u BiH, na strani radnika, za proširenje primjene navedenog kolektivnog ugovora na sve poslodavce u djelatnosti djelatnosti gradskog i progradskog prevoza putnika, ostalog kopnenog prevoza putnika, cestovnog prevoza robe, usluga preseljenja i pomoćnih djelatnosti u prevozu na teritoriji Federacije Bosne i Hercegovine. Imajući u vidu da je pomenutim kolektivnim ugovorom utvrđen minimum prava iz radnog odnosa u navedenim djelatnostima koja nisu propisana Zakonom o radu, a koja je potrebno utvrditi kolektivnim ugovorom, opravdano je donošenje Odluke o proširenju primjene Kolektivnog ugovora o pravima i obavezama poslodavaca i radnika u oblasti cestovnog prometa za teritoriju Federacije Bosne i Hercegovine na sve poslodavce na teritoriji Federacije Bosne i Hercegovine, dakle i na one poslodavce koji nisu članovi Udruženja poslodavaca u Federaciji Bosne i Hercegovine, a radi ostvarivanja ekonomske i socijalne politike u Federaciji Bosne i Hercegovine, odnosno

radi stvaranja jednakih uvjeta rada za sve radnike u pomenutim djelatnostima u Federaciji Bosne i Hercegovine, u pogledu prava propisanih navedenim kolektivnim ugovorom.

U skladu sa članom 27. stav 3. Poslovnika o radu Vlade Federacije Bosne i Hercegovine – Prečišćeni tekst („Službene novine Federacije BiH“, br. 6/10, 37/10, 62/10, 39/20 i 67/21), Odluka o proširenju primjene Kolektivnog ugovora o pravima i obavezama poslodavaca i radnika u oblasti cestovnog prometa za teritoriju Federacije Bosne i Hercegovine, dostavljena je Federalnom ministarstvu finansija, Federalnom ministarstvu pravde i Uredu Vlade Federacije Bosne i Hercegovine za zakonodavstvo i usklađenost sa propisima Europske unije, radi davanja mišljenja.

Također, navedena odluka dostavljena je i Ekonomsko-socijalnom vijeću za teritoriju Federacije Bosne i Hercegovine, radi davanja mišljenja.

### **III – OBRAZLOŽENJE PREDLOŽENIH PRAVNIH RJEŠENJA**

Tačkom I propisano je da se primjena Kolektivnog ugovora o pravima i obavezama poslodavaca i radnika u oblasti cestovnog prometa za teritoriju Federacije Bosne i Hercegovine („Službene novine Federacije BiH“, broj: 103/21), proširuje na sve poslodavce u djelatnosti gradskog i prigradskog prevoza putnika, ostalog kopnenog prevoza putnika, cestovnog prevoza robe, usluga preseljenja i pomoćnih djelatnosti u prevozu na teritoriji Federacije Bosne i Hercegovine.

Tačkom II propisano je da ova odluka stupa na snagu narednog dana od dana objavljivanja u „Službenim novinama Federacije BiH“.

### **IV – FINANSIJSKA SREDSTAVA POTREBNA ZA PROVOĐENJE ODLUKE**

Za provođenje ove odluke nisu potrebna dodatna finansijska sredstva iz Budžeta Federacije Bosne i Hercegovine.